



Serenera Pardomat

Project e credit

M E S S A D I

dalla suprastonza communalala al cussegl da vischnaunca

Preziau signur president
Preziadas signuras cusseglieras
Preziai signurs cussegliers

1. Situaziun da partenza

Pardomat s'auda tier las fracziuns che disponan buca d'ina purificaziun dallas auas piarsas. La realisaziun da quei project ei zuar gia in temps pendants, ei denton vegnius remess differentas gadas a favur da projects cun pli aulta prioritad. Ils 27 da settember 2010 ha igl uffeci per la natira ed igl ambient approbau il preproject per la construcziun d'ina serenera comunabla e disponiu pils cuosts renconuschi ina contribuziun da 20%. Ils 2 da fenadur 2013 ha la Regenza grischuna disponiu per zonas da habitar, las qualas las auas schubras vegnan buca purificadas, terms per la liquidaziun da quellas pendenzas.

Per Pardomat dispona la Regenza sut cefra 5 resp. 6 da sia disposiziun:

- *Per la zona da baghegiar Pardomat cun in equivalent da 20 entochen 50 personas eis ei da construir entochen la fin digl onn 2022 ina canalisaziun publica ed ina serenera biologica. Entochen alla fin digl onn 2019 ha la vischnaunca da decider davart dil project e davart il credit.*
- *Vegn in dils termins buca observaus, ei l'istanza da baghegiar buca legitimada da conceder lubientschas da baghegiar per baghetgs novs, ni per renovaziuns da baghetgs che han per consequenza ch'il quantum d'auas piarsas s'augmenta, enteifer la zona da baghegiar.*

Ils 5 da mars 2015 ha igl uffeci per la natira ed igl ambient dil Grischun communicau che la revisiun dalla lescha da finanzas dil cantun Grischun passi igl 1. da schaner 2016 en vigur. En consequenza da quella revisiun seigien ils projects approbai en connex cun stabiliments pigl allontanament e la purificaziun dallas auas da realisar entochen sil pli tard alla fin digl onn 2019, incl. quen final.


Per consequenza han las suprastanzas communalas da Sumvitg e Mustér incaricau il biro d'inschignier Cavigelli d'elaborar in project per ina serenera comunabla a Pardomat Dadens. Il project risguarda las directivas dil concept davart igl allontanament e la purificaziun dallas auas GEP approbaus il december 2007 entras igl uffeci per la natira ed igl ambient.

2. Project

Il project preveda da construir a Pardomat Dadens ina serenera comunabla per omisduas uclivas da Pardomat. La vischnaunca da Sumvitg construescha per quei intent ina canalisaziun naven da Pardomat Dado entochen tier l'empreda colligiaziun che succeda davart da Mustér. Naven dall'empreda colligiaziun a Mustér vegnan ils cuosts pil tschancun communabel reparti ulivamein sin las duas vischnauncas.

En connex cun la sanaziun dalla via cantunala a Pardomat ha la vischnaunca fatg a basa dil concept general pigl allontanament dallas auas piarsas preparativas per saver realisar la serenera a Pardomat.

Talas preparativas ein era succedidas davart dalla Corporaziun d'aua Spina da Vin che procura sco successura dalla Corporaziun d'aua Cavardiras, Pardomat e Madernal era pil provediment d'aua da Pardomat Dado (Sumvitg).



Il medem mument cun la realisaziun dalla serenera e las ovras da canalisaziun ed aua sanescha igl uffeci da construcziun bassa la via cantunala naven dalla cruschada viers Cavardiras entochen a Pardomat Dado. Quella sanaziun succeda tenor la medema qualitad sco l'actuala sanaziun dalla via naven da Vitg a Cavardiras.

3. Cuosts

Ils cuosts per la construcziun dalla serenera, las lingias da canalisaziun e dil provediment d'aua serepartan suandontamein:


Lavurs d'impressari	frs.	187'000.00
Installaziuns sanitaras	frs.	78'000.00
Installaziuns da process (survigilonza dil menaschi)	frs.	53'000.00
Colligiazions ed installaziuns electricas	frs.	17'000.00
Project e survigilonza	frs.	33'000.00
Nunpreviu ca. 10%	frs.	<u>42'000.00</u>
 Total cuosts da construcziun a Pardomat e Pardomat Dado	frs.	410'000.00

Ils cuosts totals serepartan suandontamein sin ils differents purtaders:

Cumpart vischnaunca da Mustér	frs.	114'000.00
Cumpart vischnaunca da Sumvitg	frs.	145'000.00
Cumpart Corporaziun d'aua Spina da Vin	frs.	151'000.00

La cumpart dalla vischnaunca da Mustér sereparta sco suonda:

Canalisaziun communabla (50%)	frs.	25'045.00
Cumpart serenera (50%)	frs.	30'710.00
Adattaziuns e cumpletaziuns dalla canalisaziun sin territori da Mustér (100%)	frs.	<u>58'245.00</u>
 Total cumpart vischnaunca da Mustér	frs.	114'000.00
 ./ . Contribuziun cantunala	frs.	<u>11'500.00</u>
 Cuosts nets per la vischnaunca da Mustér	frs.	102'500.00



4. Finanziaziun

Tenor decisiun digl uffeci per la natira ed igl ambient dil Grischun dils 27 da settember 2010 vegnan frs. 115'000.-- reconuschi per las contribuziuns cantunalas. Ils cuosts reconuschi obtegnan ina contribuziun cantunala da 20%, denton maximalmein frs. 23'000.--. Analog als cuosts vegn la contribuziun cantunala repartida ulivamein sin las duas vischnauncas, aschia che la vischnaunca da Mustér sa quintar en connex cul project cun ina contribuziun cantunala da frs. 11'500.--.

La summa restonta vegn finanziada dalla vischnaunca entras la finanziaziun speciala. Ils edificis che vegnan colligai alla serenera pagan posteruramein las taxas da colligaziun analog a tut ils ulteriurs baghetgs ch'ei vegni colligai entochen oz ad ina serenera.

5. Ponderaziuns finalas

La sligiazion communabla vegn dabien ad omisduas vischnauncas. Cun nezegiar sinergias eis ei pusseivel d'optimar ils cuosts per las duas vischnauncas e da sligiar differentas pendenzas en connex cul provediment e l'avertura dallas uclivas da Pardomat. La corporaziun d'aua sa cheutras garantir il provediment d'aua ed augmentar parzialmein la segirtad en cass d'incendis. Era en quei cass eis ei grazia ad ina buna collaboraziun denter differentas instituziuns pusseivel d'optimar ils cuosts en favur da differentes partaders.

6. Proposta

Sebasond sin sura consideraziuns

p r o p o n a

la suprastanza communal al cussegl da vischnaunca da:

1. Approbar il project per la construcziun dalla serenera e dalla canalisaziun a Pardomat;
2. Conceder per quei project in credit net da frs. 102'500.--.

Suprastanza communal Disentis/Mustér
Il president: Il canzlist:


Robert Cajacob


Andri Hendry

Disentis/Mustér, ils 20 da matg 2019

Q:\011 Legislaziun\Cuss 2017-20\Messadis\me1934_Serenera Pardomat.docx

- Dalla documentaziun tiel project sa vegnir priu investa tier l'administraziun communal (s'annunziar al spurtegl)